

# დროშა

## სურათებიანი დამატება

გაზეთის № 91.

კვირა, 26 აპრილი 1909 წ.

დამატების № 17.

### ს ა ი ლ უ მ ლ ო.

დასასრული \*)

#### XI

— აქა მშვიდობა! — შეილაპარაკა ბარბარემ, როცა თავად დავითისას შესდგა ფეხი.

ტახტზე მიწოლილმა დავითმა ოდნავ დაუკრა თავი და ელენეს ოთახზე მიუთითა. ნატალიაც გამოეგება, უსიტყვოდ სტაცა ხელი და შეარბენინა ავადმყოფთან. ბარბარემ შალი მოიხადა, ბოლჩა სკამზე დასდო, ნამგზავრი ხელები სანთელზე მოითბო და ბოლჩა გახსნა.

— კნენა წყალი და ტაშტი მინდა!

— შენ გენაცვალე, რა დროს წყალია, ყველაფერი იქნება, ჯერე ქალი ნახე...

— მეიცა ქალბატონო, მეიცა, ვერსად ვერ გეიქცევა. ხელ დაუბანელი რა ვა მივალ ავადმყოფთან!

— უთხრა ბარბარემ, თეთრი წინ-საფარი გაიკეთა, სახელოები კარგად გადიკაპიწა, ხელები ღონივრად დაიბანა და დაუწყო შინჯვა ავადმყოფს.

— ქალებო, რისი ბებიები ხართ, თვარ შეატყოფთ ავადყოფს? — მიუბრუნდა ბოლოს ბებიაქალებს.

— ხო კეტარია ბაღანე? — ჰკითხა ახალგაზრდა ბებია.

— რაი? თვარ იცი, დია, ხელობა, სახელს მაინც ნულარ გვიტეხთ, დანებეთ თავი! ვანა ხო გაქ, ქალბატონო, ცხელი წყალიც ბზათ გაქვენ, არა? ცხელი ვანა უნდა გოუკეთო. გაგიციებიათ ქალი, შვილო! აჰა, დატრიალდით! მე თქვენი ქა-


მანდერი ვარ ახლა და თქვენ ჩემი სალდათები... აი, თქვე გლახებო, რავა დაგიქინდრავენ კისრები? სამას თერთმეტი ქალი მოუტრჩენია ბარბალიას, ყოველთვინ მასეთი დღე რო დამდგომოდა, ცხრაჯერ დავბერდებოდი ამდონ ხანს! — გაიხუმრა ბარბარემ. — შამამხედეთ, ვარდივით რო მაქ ლოყები, ეგი ჩემი მხიარული ხასიათის წყალობით მა! — დაუმატა.

ელენეს ამ დროს ცოტად გადავლილი ჰქონდა ტკივილი და თითქმის გაეცინა კიდევ ბარბარეს სიტყვებზე. შავ, დაკონკილ მწვარს მიუგავდა ბარბარეს სახე. შავგვრემანი, მზისაგან დამწვარი სახე ყვავილსაც ლახათიანად დაეკენკა, წარბის ბეწვები აქა იქ ამოეგლიჯა. წვრილ მიღეულ თვალების ირგვლივ ძლივს მოსჩანდა რალაც ფოჩები წამწამის მგზავსად, შავი დამქანარი ტუჩები, გაღეული ცხვირი და პატარა ტანი, — ასეთი გახლდათ ბარბარეს გარეგნობა. მაგრამ ამ პატარა მახინჯ ადამიანის აგებულებაში ოქროს გული სძგერდა, სიცოცხლითა და მხიარულებით სავსე ხასიათი თავსდებოდა. „მკვდარსაც-კი გააცინებსო“, ამბობდნენ.

სამი საათის განმავლობაში ორჯერ ჩააწვინა ავადმყოფი ცხელ წყალში. ელენემ ერთი ღონივრად შეჰკივლა და დაჩუმდა დილის ოთხი საათი იყო, რომ წრიპინი გაისმა. ამ ხმის გაგონებაზე ელენეს ყოველი ტანჯვა დაავიწყდა.

— ვაა, ვაა, ვაა! — მოუხშირა პატარა არსებამ ყვირილს.

— ა, შე მაიმუნო, რავა დააქციე შენი არჩივი ქვეყანა! რაც დედაშენი აყვირე არ გეყოფა? — ჩასძახა ბარბარემ და ტკაცუნით შემოჰკრა ხელი ზბილ სხეულზე. — ბიკია, ქალბატონო, ბიკი! ღმერთმა გაგიზარდოს! — უთხრა ელენეს.



მონობა, — სურათი ს. შნაიდერისა.

\*) იხ. დამატება № 16.



ჩავოლიუცია ოსმალეთში.

31 მარტი. პირველი დღე კონტრ-რევოლიუციისა. აჯანყებული ჯარი, სოფტები და მოღები აია-სოფის მოედანზე.

— ჯერე ბალანას უნდა მივხედო, ხო გაქ ფალასები? — მიუბრუნდა მერე ნატალიას.

— კი, ჩემო ბარბაღე. ყველაფერი იქნება, ჯერე ქალი გადავაწვინოთ მოორე ლოგინზე...

— მაცა, ქალბატონო, მაცა. მე ჩემ ჩვეულობას ვერ შევცვლი. ახლა, ხვთით, კარქათაა ქალი და რა მეჩქარება.

— კარქი, შენ იცი. — უთხრა კნენამ და თითის ბრჩხილები კბილით მოიკვნითა. სახეზე აზრის მოძრაობა და რყევა დაეტყო. თავი გაიქნია და რაღაც სულიერ ბრძოლას სძლია. მერე მიუბრუნდა ორ ბებია-ქალს: — თქვენ გადით ახლა სამზარეულოში. დედაკაცს წყალი გააცხელებიეთ, დაგვჭირდება... აქ საჭირო აღარა ხართ. იქნება დაეძინოს... შვილო! კიდევ დოუძინია.

XII

ელენეს მართლაც ჩასთვლიმა. ოთხი დღის ნაბრძოლს სიამოვნებით ჩაეძინა. დედაკაცები ფეხაკრფით გავიდნენ ოთახიდან, ნელა გაიარეს დარბაზი, უკან აივანზე ჩავიდნენ და გაემართნენ სამზარეულოსაკენ. კნენა ნატალიამ დაუბლო ყური. ფეხის ხმა მისწყდა. ფანჯარასთან მივიდა, გადასწია ფარდას და გაიხედა.

— ისევ სიზნელეა... ყორიფელი ხელს მიწყობს... ღმერთო, შენ მომე გამბედაობა! — ძლიერის სულის თქმით მივიდა ბარბარესთან, რომელიც თვალს ადევნებდა იმის მოძრაობას, მოჰკიდა ხელი, მიიყვანა კუთხეში და უფრო დაუწია აკანკალეულ ხმას: — ბარბაღე! შენი სულის ჰირიმე... შენი დახმარება მეჭირება ახლა... შვილი ხო გადამირჩინე, ამ საქმეშიაც შემეწიე... ცოდვა სულ ჩემ კისერზე იყოს.

— რისი ცოდვა, ქალბატონო? — ჰკითხა გაკვირვებულმა ბარბარემ.

— ახლავე უნდა მოსპო... შენ ამ შალში ვახვიე ძან, პირი ოუკარი... კილო სიზნელეა... ვერაკაცი ვერ დაგვინახავს... ელენეს ძინავს.. ბაღში, მე მოვთხრი... უნდა ჩავადლოთ... — უთხრა ნაწყვეტ-ნაწყვეტად, არეულად და განივრად გაღებულ თვალები მიაჰყიტა გაფითრებულ დედაკაცს. — ხო გევიგონე? — თან კრელი შალი მიაჩეჩა ხელში.

— რა მითხარი ეგი, ქალბატონო?! რა უნდა ჩავადლოთ, ვერ გამიგია...

— ბოვში... უკანონოა... სირცხვილია... — უთხრა კიდევ უფრო არევით.

— რატო არ დემფსება ყურები?! რა გვიგონე ეგი ქრისტიანი კაცის ენიდან! რას ამბობ, აღამიანო, სული საეშმაკოთ კი არ მომძულებია! ცოცხალი აღამიანი დავმარხო?..

— სსუუ... შენი საქმე არ არის... — დაფარა ნატალიამ ტუჩებზე ხელი. — ხმა არ ამეილო, რასაც გიბრძანებ, უსიტყვოთ უნდა შეასრულო... შენ გეცოდინება და მე... ცას და მიწას... გესმის? გიბძანებ! — ისეთის გადაწყვეტილის კილოთი უთხრა, რომ ბარბარემ ნათლად დაინახა, ამ უგულო დედაკაცთან ხვეწნა-მუდართ ვერას გახდებოდა. მახვილი გონება მოიკრიბა, რაღაც მოიფიქრა, მორჩილი სახე მიიღო და თავი ძირს დახარა.

— თქვენი ნებაა, ქალბატონო... მე სულელმა რა ვიცი... აღბათ თქვენ უფრო მოგესხნებათ.

— ჰო, ასე, შე სულელო... რამდონი უკანონო ჩდება, ყველას რო ზრდიდენ, ქვეყანა ბუშებით ეივსებოდა. — უთხრა გამხნევებულმა ნატალიამ.

— კარქი, ქალბატონო. რავა ღმერთი გამიწყრება, რავა ვიტყვი.

— მიწაში უნდა ჩეიტანო ეს საიდუმლო... ვითამ ბოვში უღლეური იყო და მოკვტა... გესმის!...

— კი მესმის, ქალბატონო, ნულარ ვაყონებთ. წაბრძანდი, ჩქარა მოთხარე, მე გავახოვ და მევიყვან...

— კარქი... მივალ... კიბეზენელა ჩამო... ხო იცი? მარჯვნივ ტალავერისკენ მოუხვიე...


— კარქი, კარქი. — ამ სიტყვებით მიაცილა კნენა კარებამდე, საჩქაროდ მობრუნდა, ყმაწვილი ფაცა-ფუციტ რაღაც თეთრ ფალასებში გაახვია, მერე შალი შემოახვია, უბეში ჩაიღო და თან თავისი შალი წამოისხა.

„ღმერთო მისხენ საცოდობისაგანო“, წაიჭურჩულა, თავის ჯოხს ხელი დაავლო, სწრაფად გავარდა განის კარებიდან, ეზოს ერთი თვალი მოავლო და ჩქარის ძენძულით გასწია მოპარულის ტვირთით.

კნენა ნატალია დიდ ხანს ელოდა დანიშნულ ადგილას ბებია ქალს. უკვე დამზადებული ჰქონდა უდანაშაულოს საფლავი და გულის-ძგერით მისჩერებოდა სახლს. ნატალიამ რაღაცას მოჰკრა თვალი. თითქოს აღამიანი იყო. ბოსტნის მესერზე გადახტა და ტყეს შეაფარა თავი. კნენა შეკრთა, მაგრამ მალე გული გაიმავრა: „ფუი ეშმაკს, მომეჩვენა რაც-ხა“, ჩაილაპარაკა და ისევ სახლს მიაჩერდა.

— რა ვქნა, ფეხები ხომ არ დემეტვრა, ან ელენემ ხვარ გეიღვიდა?

ქვეყანას თან და თან შემოეხვია ბოლის ფერი ბურუსი. სახლში ვიღამაც დაახველა. სამზარეულოს კარი კრიალით



ჩავოლიუცია ოსმალეთში.

31 მარტი. პირველი დღე კონტრ-რევოლიუციისა. სამხედრო სამინისტროს აკლება.

გაიღო და ვიღაც გამოვიდა გარედ. ნატალიას ბარი დაუვარდა ხელიდან. მოთხრილ მიწას ფეხი წაჰკრა და ისევ ჩაუშო პატარა ორმოში, მერე კვლავ აიღო ბარი, შორს გადისროლა, თითქმის სირბილით გაქანდა სახლისაკენ. ელენეს ოთახში შევიდა. გულზე ხელი დაიღო გულის ცემის შესაჩერებლად. ელენეს ისევ ისე ეძინა. მიიხედ-მოიხედა, აღარა სჩანდნენ აღარც ბებია-ქალი და აღარც ბავშვი. ელდა ეცა, ფერმა გადაჰკრა, ყოველ კუთხეს მივარდა, მაგრამ ამაოდ — ვერაფერი ვერ ნახა.

— ვაიმე! — დაიძახა და შემოიკრა სახეზე ხელი. — გამაზრპყვა და გამექცა. ალ-ქაჯი დედაკაცია, სირცხვილს ვინ ჩივის, დამღუპავს! — კიდევ შედგა, ჩაფიქრდა. — არა, სანამ იგი ჩემ შერცხვენას მოასწრებდეს მანემდის, ასჯერ მოუვრებს კისერს მამი ჩემის მელორის შვილს... ვისი წინააღმდეგობა გაბედა?

— დედა, ბოვში მაჩვენე, ბოვში... რას ლაპარაკობ მაქ შენთვის მარტო, — მოისმა ელენეს მისუსტებულის ხმა.

ნატალია შეკრთა, აირია, მაგრამ ისევ ჩქარა მოიკრიბა ძალა:

— შვილო, ბოვში? ბოვში... ბოვში კვტარი დეიბადა.

— რას ამბობ, დედა ჩემო, რავა თუ კვტარი? მე შესმოდა ჩემი შვილის ხმა! — ელენემ წამოიწია ლოგინიდან.

— კვტარი... დედა შვილობამ.

— სტყუი! — შეუყვირა ელენემ, რამდენადაც შეეძლო, თან წამოჯდა. — მომიკალით ბოვში, მომიკალით, თქვე უღმერთოებო?!

— მართალია, ცოცხალი დეიბადა, მაგრამ თუთხმეტი წამი იცოცხლა და მოკვტა. — უთხრა გულცივად დედამ. — დაწვეი, შენი ჯდომა არ შეიძლება. — მოჰკიდა ხელი და უნდოდა მიეწვინა, მაგრამ ელენემ ჰკრა ხელი და შორს გადისროლა.

— მიჩვენე, მკვდარი მიჩვენე! — გაფითრებულ სახეზე გიჟივით აბრიალებდა თვალებს.

— ჭკუა შეიცი მა თავში, ჭყინტ ბაღანას სახლში გაგაჩერებდი? დავმარხე...

— დამარხეთ?! — დაიძახა ელენემ. — დამარხეთ... ჩემი გული... ჩემი ტვინი, ჩემი შვილი... — გიჟივით წამოიკრა ლოგინიდან, შუა ოთახში შედგა, რაღაც ნაირი, არა ადამიანური ხარხარი ამოსკდა გულიდან, ორივე ხელი ძუძუებში წაივლო: — დამარხეს! დამარხეს!... — დაიძახა კიდევ და თმა გაწეწილი გავარდა გარედ. ნატალია კივილით გამოუდგა აივნის კარებთან დაეწია, გრძელ თმაში მისწვდა, დაითრია, და ელენე უგონოდ მძიმედ დაეშვა ძირს.

XIII

ორი წლის შემდეგ, შუალამისას, ვიღაც ცხენოსანი მიადგა ბარბარეს ეზოს. ბებია-ქალი იკითხა. ბარბარე გამოეგება. სტუმარი ცხენიდან გადმოხტა და ბარბარეს რაღაც უთხრა ჩუმად. ბარბარემ უკმაყოფილოდ დაუკრა თავი.

— წამობრძანდი. — გაუძღვა წინ და შეიყვანა თავის პატარა სახლში. — დაბრძანდი, ახლავე გეახლები, — უთხრა სტუმარს და გავიდა.

უცნობმა ნაბადი მოიხადა, ყაბალახი მოიძრო და გამოჩნდა ხნიერი, საშინლად გამოცვლილი, სახე დანაოჭებული ჰქონდა. დედაკაცი იყო. ორ წუთში ისევ შემობრუნდა ბარბარე. შემოიყვანა ვარდივით გაფურჩქნილი, წითელ ლოყა და შავთვალემა ორი წლის ბავშვი.

— ეს არის.. ძროხის რძით გავზარდე... რავა ფიქრობ, კნენია, შემძლებია თუ არა, საიდუმლოს შენახვა? — უთხრა და ღიმილით შეხედა.

უცნობს უფრო დაუნაოჭდა სახე. ღრმად ჩაცვივებულ თვალემაში რაღაც ცეცხლის ნაპერწკალი გაუკრთა, მაგრამ ისევ ჩაჰკრა.

— ღმერთმა გაპატიოს, თუ რამე დანაშაული გქონდეს. — უთხრა ყრუდ უცნობმა ბარბარეს.

— შენც გაპატიოს, შენც! — მიუგო ბარბარემ. — ის რავა არის? — ჰკითხა ისევ ბარბარემ.

— რავარც იყო...

— აღარაფერმა აღარ უშველა?

— შერყეულს რაღა მოარჩენდა.

— შეხედე, ქალბატონო დედის სურათი არ არის? — უჩვენა ბავშვზე ბარბარემ. სტუმარი დააკვირდა ბავშვს.

— არა, მამის... მოდი ჩემთან, ბიჭო! — ბავშვს ხელი გაუწია. ბავშვმა თავი დაღუნა და ბებიას მოეხვია კისერზე.

— გაიზარდე, ცოდვის შვილო, გაიზარდე!... — უცნობი ადგა, ჯიბიდან

მოზრდილი ქისა ამოიღო და ბარბარეს გადასცა. — ფული შენ, ნიფთი მაგას შეუნახე... ორასი თუმნის საღირალი თვლებია, დედა მისის სამზითო იყო... ღმერთს გაფიცებ, შვილად გყავდეს. აღარავის აღარ ეკირვება მაგისი თავი... და ჩირქს მაინც ნულარ მოცხებ საწყალ დედა მისს. მშვიდობით, აწი აღარ შევხვდებით ერთმანეთს... მამული გავციდე და რუსეთში მივალთ საცხოვრებლად... ვეღარ გაუძლე ხალხის ყაყანს! — ერთი კიდევ შეხედა ბავშვს, მხოლოდ მისმა თვალემა აღარაფერი აღარ გამოსთქვა. ნაბადი მოიხადა და ჩუმად გავიდა სახლიდან.


XIV

ღიდი ხანი გავიდა. ბევრმა წყალმა ჩაიარა მას შემდეგ. საშინელი საიდუმლო ისევ საიდუმლოდ დარჩა ყველასთვის.



კავშირუბნის ოსმალები.

31 მარტი. კონსტანტინოპოლის ერთგული ჯარი ხარბახნებს აწაფებს რვა-ქვიონურ ჯართან შესაბრძოლებლად, სანამ სალონიკელნი მივიდოდნენ.



რევოლუციური ოსმალეთში.

მანიფესტაცია სალონიკში ახალგაზრდა ოსმალთა მომხრეებისა.

სოფელ ორტუოფში სოფრომ ჩინკავადის ოჯახში იზრდებოდა პატარა, რვა-ცხრა წლის ნიკო. ნიკო იმისი სახელი იყო, მაგრამ არავინ არ ეძახდა ამ სახელს — „ნაპოვარა“ დაერქმიათ და ბავშვსაც ამ სახელზე ჰქონდა ყური მიჩვეული...

— ნაპოვარა, შეშა! ნაპოვარა, ძროხა! ნაპოვარა, ღორი! — ყველა იმას მისძახდა. დაჩაგრული იყო ნაპოვარა ოჯახში.

— აი, დედასა, ჩემი ბებია არ მომკლდომოდა, ასე ვერ დამჯაბნდით! — ჩაილაპარაკებდა თვალში ცრემლმორეული ნაპოვარა. ილღიაში ცივ მქადის ნატეხს ამოიჩრიადა, საქონელს გაირეკავდა და გასწევდა მინდვრად. — რატო ვარ ასე უბედური? ყველა მე მიწყურება, ყველა მე მწყევლის. ამ ნაპოვარას რაღაზე მიძახიენ? ბებია ხო ნიკოს მეძახდა? ბებია მეუბნებოდა: ჩემი შვილი-შვილი ხარ, ქალი-შვილი მყავდა და მომიკვდაო. ესენი კი ნაპოვარას მიძახიენ... ნეტეი ვიცოდე ჩემი ამბავი, ვინა ვარ? ან მამა არ მყავდა ან და-ძმა... ახ, არ ვიცი... არ ვიცი ჩემი თავი.. ვინა ვარ. — დაუმატებდა, მაგრამ ამ დროს დაინახავდა ან ღორს ან ძროხას ყანაში გადასულს, თავის ფიქრებს თავს ანებებდა და ყვირილით გამოუდგებოდა ხოლმე უკან პირუტყვს.

მ. გარიყული.



## სურათი

სხივთა მიძიებები დიად მზის მიდამოს გარდმოჰფენოდა და ამაყ კავკასს, ვით მეფეს, გვირგვინებრ ედგა, ჰშვენოდა.

ვით ტურფა კეკლუც-ლაშაზი ბარი ცას ელიმებოდა და უთვლელ ფერად ყვავილით იქარგებ-იკაზმებოდა.


მძაფრ ზამთრით შეწუხებული გული სიამით კრთებოდა

და საოცნებო დღევილ ზღვის სიღრმეში შთაინთქმებოდა.

ნორჩ ტყის ბუჩქნარის ქერის ქვეშ ია კვლავ იფურჩქნებოდა, მის სურნელება საამო გარემოს ეფინებოდა.

ლალ ფრთებ გაშლილი ნიავი ველ მინდვრად ჰქროდა, სიოდა და ძღვევის ამბავს შორით-შორს მთიდან არწივი ჰკიოდა.



გოგია უიშვილი.



## წვრილი აპრილები

მოტყუება პირველ აპრილს.

როგორც ვიცით, პირველი აპრილი მოტყუების დღეა. ერთ გაზეთს იტალიაში მცხოვრებნი ასე მოუტყუებია: ერთი კვირის წინ პირველ აპრილამდე გაზეთში დიდის ასოებით დაუბეჭდია, რომ ამ დღეებში ჩვენ ქალაქში ინდოეთის პრინცი ჩამოვაო. პირველ აპრილამდე ორი დღე დადარჩენილიყო, რომ გაზეთს დაუსტამბავს, პრინცი უკვე ჩამოვიდაო. ისიც დაუბეჭდია, პრინცი აქა და აქ ჩამოხდაო. აუარებელი ხალხი წასულა პრინცის სანახავად, მაგრამ გაზეთმა გამოაცხადა, რომ პრინცი ავად არის და არავის იღებსო. პი ველ აპრილს გაზეთს დაუბეჭდია, რომ პრინცი გადაიცვალა და ნაშუალამევის 2 საათზე ინდოელების ჩვეულებისამებრ დაასაფლავებნო. გაზეთ „ტაიმის“ კორესპონდენტს ამის შესახებ დეპეშაც კი გაუგზავნია ლონდონში: „აქ ჩამოსული ინდოელი პრინცი გრადიცვალა და მათის ჩვეულებისამებრ ნაშუალამევეს დასაფლავებნო.“ ჯერ კიდევ შუალამე არ შესრულებულიყო, აუარებელი ხალხი სასტუმროს (სადაც ვითომ პრინცის გვამი იყო) მიაწყდა. მეეტლებმა ერთი ორად აუწიეს ფასს. ყველა მოუთმენლად ელოდა პრინცის დასაფლავების ნახვას შესრულდა ნაშუალამევის 3 საათი და ისინი მაინც არ ასაფლავებდნენ. უცბად რამდენიმე მხრიდან გაისმა: „პირველი აპრილია. მოგატყუეთო.“ წარმოიდგინეთ ამდენი ხალხის გაბრაზება, ყველა აღელდა. გაბრაზებულები იყვნენ, რომ ასე უბრალოდ მოსტყუდნენ.



რევოლუციური ოსმალეთში.

ახალგაზრდა ოსმალთა ჯარი მატარებელში ჯდება სტამბოლზე გასალაშქრებლად.